

TEXTO DEFINITIVO Ariba FORMA DI COOPERACION NO TA CLA AINDA

ORANJESTAD(AAN)—E siman aki ambtenaar nan ta trahando duro pa bini cla cu teksto definitivo relaciona cu e regulacionnan di cooperacion entre Aruba y Antillas di cinco.

E teksto definitivo mester bini cla mas pronto posibel pa wordo manda pa Hulanda, pa asina Tweede Kamer haya suficiente tempo pa studia esaki y ser poni na altura di e acuerdonan logra.

Manera ta conoci, e liñanan principal di e cooperacion aki a ser logra durante e cumbre di weekend cu a pasa pero tin puntonan chiquito ariba cual ainda mester yega na acuerdo. Esakinan ta mas bien detalle-

nan relaciona cu e forma di cooperacion. Teksto definitivo di e forma di cooperacion no a ser traha ainda.

Dianan 3 y 4 di juni, Tweede Kamer lo trata cambianan di Statuut.

E ora ey decision definitivo lo mester cay relaciona cu Status Aparte di Aruba.

E partido MAN di ex prome ministro Don Martina mientrastanto a laga sa cu nan ta rechaza e areglo di cooperacion y den nan campaña pa eleccion venidero lo haci esaki un di nan topiconan di campaña.

E cooperacion estrecho y duradero manera Hulanda a existi no ta sigui den e forma ey.

Ariba tereno financiero-economico y monetario Aruba y Antillas di cinco lo opera los di otro.

Ariba tereno politico si lo tin cooperacion den forma di e Consejo Ministerial di cooperacion.

Den e organo aki lo tin asiento tres ministro di Aruba, y tres ministro di Antillas di cinco, incluso e dos Prome Ministranan di Aruba y Antillas di 5.

A base di consenso lo dicidi den e Consejo aki

ariba asuntonan di legislacion cu lo ser aregla pa ambos pais uniforme of acordante.

Ta ser menciona den esaki por ehemplo ariba asuntonan justicial.

OSTICEBA A ANALIZA DESAROYO DI SAN NICOLAS

ORANJESTAD(AAN)—Den un rapport cu a wordo prepara pa Kelvin Augustin pa Osticeba, e situacion na San Nicolas a keda analiza y a base di conversacionnan cu a wordo sosteni cu un grupo di 25 personas, entre otro, a yega na

cierto recomendacionan.

Asina Comercio lo mester haci un esfuerzo pa promove San Nicolas como centro comercial. Mester di mas inversion den restaurant no chine, paña y tambe fast food restaurant.

E golfclub mester wordo converti den un atraccion turistico y recreativo, mientras cu mester di mas boutique den e centro.

Mas atraccion turistico manera e proyectonan pendiente di Kustbatterij, Golfclub, Fontein ta necesario, y mester di mihor careteranan pa bay e sitionan turistico.

San Nicolas, segun e rapport mester presenta su parti historico como Oil City di Aruba, y mester busca mas influencia y representacion den organisacionnan turistico na Aruba.

Un proyecto di construccion di 200 cas di pueblo na San Nicolas pa crea trabao y asina alivia situacion den construccion y vivienda ta necesario y mester di prioridad na e proyecto di renovacion di Village y otro bario nan di San Nicolas.

E barrio di hanchinan entre Village y caya principal mester wordo mehora, mientras cu na Zee-

wijk mester traha localnan pa hende por lanta negoshi di industria chikito, tiendanan y cooperativanan productivo.

Mester construi un cas pa ancianonan, crea cupo di trabao den cuidu di ancianonan, di mucha mientras cu mester guia juventud.

Mester crea cupo di trabao den sectornan deportivo, cultural, y di arte, y crea fondonan pa formacion y educacion den e tempo dificil cu nos ta enfrente.

Mester desaroya planificacion di uso di tereno, crea mas posibilidad pa construccion di cas na San Nicolas, introduci e funcion di City Inspector y crea leynan pa su funcion.

Mester yega na un areglo pa e asunto di prostitucion, y tambe ejecuta cuidu abierto pa anciano.

E poblacion di San Nicolas mester di mas accion, motivacion, y empuje ariba tur tereno di bida sea economico, politico, social, etc., mientras cu mester di mas profesionalismo na e centro medico y un pre selected clothing store pa compra di paña usa den bon condicion.

Un biblioteca bon ekpi tambe ta necesario y mas curso pa ofishi.



Dia di Mama ta un dia placentero

**Hiba Mama bai come un
dushi Kentucky Fried Chicken
Tur mama lo ricibi un
como regalo
riba nan dia**

EAU DE TOILETTE

Fleur à Fleur

of

EAU DE TOILETTE

Ambré Libertine

TANTEN CU TIN DEN STOCK

**Wedo
chicken
right.**





**Speshal pa Dia di
Mama. Servis di kalidat
for di Inglatera ku des-
kuentonan temporal.
Pasa bo wak lihe, nos
stòk ta limita.**

Mesker Aruba: Nassastraat 85

**Mesker,
pa kalidat**

BIG AND BEAUTIFUL

Mozartstraat 8(Klip) Tel: 22022

ta anuncia:

Cu a yega PAÑA Nobo manera:
BISTIR, BLUSA Grafiti y SHORTS Bermuda y
Hopi Mas tur na Size Grandi So!

Y corda cu tempo di calor ta drentando y nos tin traha
di Baño pa Bo refresca na beach.pero bon bisti!
(Buniteza ta na tur tamaño)

